



Broj: 09/2-3-16-4-20559-3/16
Sarajevo, 25.07.2016.godine

Na osnovu člana 64. stav 1. tačka b.), člana 70. stav 1, 3. i 6. Zakona o javnim nabavkama BiH ("Službeni glasnik BiH", br. 39/14), te prijedloga Komisije za nabavke utvrđenog u zapisniku broj: KJN-16-4-int-1553/16 od 18.07.2016. godine, u postupku javne nabavke izbora najpovoljnijeg dobavljača za nabavku i ugradnju itisona i staza za potrebe MVP BiH,
d o n o s i m:

O D L U K U

o poništenju postupka javne nabavke

Poništava se postupak javne nabavke izbora najpovoljnijeg dobavljača za nabavku i ugradnju itisona i staza za potrebe Ministarstva vanjskih poslova BiH, iz razloga što niti jedna ponuda nije prihvatljiva a u skladu sa članom 69. stav (2) tačka d) Zakona o javnim nabavkama.

Ova odluka objavit će se na web-stranici www.mvp.gov.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. Stav 6. Zakona o javnim nabavkama.

Ova odluka stupa na snagu sa danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 09/2-3-int-1163/16 od 27.05.2016. godine, u kojoj je predviđeno da je procijenjena vrijednost javne nabavke bez PDV-a 99.600,00 KM.

Obavještenje o nabavci br: 253-1-1-32-3-5/16, objavljeno je na Portalu javnih nabavki dana 17.06.2016. godine, a sažetak obavještenja o nabavci objavljen je u Službenom glasniku BiH br: 47 od 24.06.2016. godine, na osnovu kojeg je proveden otvoreni postupak nabavke za potrebe Ministarstva vanjskih poslova BiH, podjeljen u dva LOT-a i to LOT 1-nabavka i ugradnja itisona i LOT-2, nabavka i ugradnja staza.

Komisija je utvrdila da su pristigle ponude ponuđača:

1. AD Fabrika tepiha " FATES" Sokolac;
2. "SHAM Carpets" d.o.o. Sarajevo,

zaključno sa rednim brojem 2 (dva).

Analizirajući pristigle ponude, Komisija je utvrdila sljedeće:

- Pregledom dostavljene dokumentacije ponuđača AD Fabrika tepiha „FATES“ Sokolac, Komisija je konstatovala da ponuđač nije dostavio aktuelni izvod iz sudskog registra ili izjavu/potvrdu nadležnog organa kojom se dokazuje pravo ponuđača da obavlja profesionalnu djelatnost koja je predmet ove nabavke, a kako je traženo tačkom 3.3 tenderske dokumentacije.
- Pregledom dostavljene dokumentacije ponuđača SHAM Carpets d.o.o., Komisija je konstatovala da ponuđač nije dostavio aktuelni izvod iz sudskog registra ili izjavu/potvrdu nadležnog organa kojom se dokazuje pravo ponuđača da obavlja profesionalnu djelatnost koja je predmet ove nabavke, a kako je traženo tačkom 3.3 tenderske dokumentacije.
- Također, Komisija je utvrdila da ponuđač SHAM Carpets d.o.o. nije dostavio prihvatljivu ponudu prema obliku, sadržaju i potpunosti, s obzirom da ista nije uvezana i numerisana na način kako je traženo tačkom 4.2. tenderske dokumentacije, te kako je propisano članom 8. Uputstva za pripremu modela tenderske dokumentacije i ponuda.

Dakle, analizom ponuda i dostavljene dokumentacije, Komisija je utvrdila sljedeće:

AD Fabrika tepiha “FATES” Sokolac i “SHAM Carpets” d.o.o. Sarajevo, se isključuju iz daljeg učešća zbog neispunjavanja uslova za kvalifikaciju, iz razloga nedostavljanja dokaza u pogledu sposobnosti obavljanja profesionalne djelatnosti, u skladu sa tačkom 3.4. tenderske dokumentacije.

Iz navedenih razloga, primjenom člana 69. stav (2) tačka d) (nijedna od primljenih ponuda nije prihvatljiva), odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

DOSTAVITI:

1. Svim učesnicima u postupku javne nabavke;
2. Evidenciji a/a.

